



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

1 MAC 2023 (RABU)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR (KPDN)

1 MAC 2023 (RABU)

Perluas operasi stesen minyak tanpa subsidi di sempadan

Putrajaya: Kerajaan menyasarkan tempoh seawal enam bulan untuk stesen minyak tanpa subsidi beroperasi di kawasan sempadan, berhampiran pintu keluar masuk Malaysia di seluruh negara untuk kenderaan berpendaftaran asing.

Menteri Perdagangan Dalam Negeri dan Kos Sara Hidup, Datuk Seri Salahuddin Ayub, berkata ketika ini, sudah ada dua stesen minyak sedemikian beroperasi di Padang Besar, Perlis, berhampiran sempadan Malaysia-Thailand.

Beliau berkata, kementerian sedang melaksanakan kajian untuk memperluaskan operasi stesen minyak tanpa subsidi di lokasi berhampiran pintu masuk negara di Kelantan, Johor,

Sabah dan Sarawak.

"Biarpun tidak menjual minyak bersubsidi, dua stesen minyak di Perlis itu mendapat sambutan semakin baik berikutan harga bahan api berkenaan di negara kita masih rendah berbanding negara jiran.

"Pada minggu lalu, ketika saya berada di Kuala Perlis dan Padang Besar, harga RON 95 pada pagi itu adalah RM3.35 seliter, iaitu harga tanpa subsidi, tetapi harga di Thailand RM5.25. Jadi beza itu masih besar dan tiada masalah kenderaan dari Thailand apabila

masuk negara kita, beli minyak tanpa subsidi," katanya pada sidang media selepas

Perhimpunan Bulan dan Pelancaran Microsite Francois Malaysia, di sini, semalam.

Difahamkan, stesen minyak yang menjual petrol dan diesel tidak bersubsidi itu beroperasi menggunakan jenama sendiri dan memang sudah lama tidak menjual bahan api bersubsidi.

Salahuddin berkata, idea untuk mengembangkan operasi stesen minyak menjual bahan api tidak bersubsidi sudah dimak-

lumkan kepada Kabinet sebelum ini.

Teroka ruang baharu

Katanya, ia juga peluang untuk kerajaan meneroka ruang baharu bagi menambah hasil negara melalui stesen minyak yang menjual bahan api tanpa subsidi, termasuk di sempadan Kelantan dan Johor.

Beliau berkata, lebih banyak stesen sebegini boleh dibuka di Johor Bahru kerana perbezaan harga bahan api itu di antara Malaysia dan Singapura masih jauh berbeza, selain lokasi di sempadan Sarawak berikutan jarak garisan sempadan yang panjang dengan Indonesia.

"Ini satu penyelesaian yang saya rasa amat praktikal dan

boleh menambah pendapatan negara, inisiatif yang saya rasa sangat membantu.

"Pasukan Kementerian sedang mengadakan libat urus dan kita akan buat kajian kebolehlaksanaan untuk memastikan ia boleh menghasilkan perniagaan yang penting kepada peminat industri. Kita boleh buat satu dua dulu dalam tempoh enam bulan," katanya.

Salahuddin bagaimanapun tidak menafikan kekuatan pasukan penguatkuasaan kementerian masih lemah kerana kementerian itu tidak dapat menambah bilangan perjawatan.

"Kita akan cuba mendapatkan bantuan melalui kerjasama strategik dengan kementerian dan agensi berkaitan," katanya.



Salahuddin Ayub

Lebih banyak stesen minyak tanpa subsidi di sempadan

PUTRAJAYA – Kementerian Perdagangan Dalam Negeri dan Kos Sara Hidup (KPDN) menyasarkan lebih banyak stesen minyak tanpa subsidi akan diwujudkan menjelang akhir tahun ini.

Menterinya, Datuk Seri Salahuddin Ayub dalam nada optimis berkata, pihaknya yakin stesen berkonsepkan sedemikian dapat dikembangkan pada hujung suku ketiga 2023.

"Insya Allah, kita ada sasaran dalam masa enam bulan lagi, stesen minyak tanpa subsidi diperluaskan di semua negeri bersempadan negara asing," katanya pada sidang akhbar selepas melancarkan Microsite Francois Malaysia di sini semalam.

Pada 15 Februari lalu, beliau merasmikan Projek Rintis Pembekalan Petrol RON95 dan Diesel Tanpa Subsidi meliputi dua stesen iaitu di Padang Besar dan Wang Kelian, Perlis.



PIKAP dari Thailand mengisi diesel tanpa subsidi di stesen minyak Double di Kawasan Industri Padang Besar, Perlis semalam.

Projek bermula awal bulan ini menyaksikan kenderaan plat asing terutama dari Thailand dilarang mengisi dua jenis minyak itu di 40 buah stesen biasa di seluruh ne-

geri tersebut.

Beliau pada ucapannya membayangkan idea inovasi KPDN itu bakal dibuka di Kedah, Kelantan, Johor, Sabah dan Sarawak

namun tidak memperincikan bilakah pelaksanaannya.

Mengulas lanjut, Salahuddin berkata, projek tersebut dijangka mampu membendung isu keti-

risan petrol dan diesel bersubsidi yang dianggarkan berjumlah hampir RM150 juta setahun.

"Ini antara penyelesaian paling praktikal dan saya sudah edar nota dalam mesyuarat Kabinet pada minggu lalu agar konsep stesen ini dikembangkan ke negeri-negeri lain," jelasnya.

Bahkan beliau yakin, selepas dilaksanakan kelak, tiada lagi isu kereta, motosikal atau lori plat negara asing yang degil dan ingkar cuba 'mencuri' minyak bersubsidi di stesen biasa.

Kenderaan pendaftaran luar negara itu akan diharam masuk ke stesen normal dan hanya dibenarkan mengisi minyak di stesen tiada subsidi mengikut harga pasaran diapungkan.

Meskipun kadarnya agak lebih mahal berbanding stesen biasa, tetapi Salahuddin berkata, harga minyak di Malaysia secara umum masih lagi murah di ASEAN.

Dua lelaki sanggup redah 100km seludup diesel

Bachok: Pegawai penguat kuasa Kementerian Perdagangan Dalam Negeri dan Kos Sara Hidup (KPDN) menahan dua lelaki yang menjadi penghantar minyak diesel dipercayai untuk diseludup ke negara jiran dengan upah RM10 bagi setiap tong di Kampung Baru Hujung, Repek, di sini.

Lelaki terbabit masing-masing berusia 19 dan 33 tahun itu ditahan kelmarin bersama 1,450 liter minyak diesel dengan rampasan bernilai keseluruhan RM13,000 termasuk dua kereta.

Pengarahnya KPDN negeri, Azman Ismail, berkata pihaknya mengekori kereta jenis Proton Iswara Aeroback dan Proton Saga Aeroback yang berjalan serentak dalam keadaan mencurigakan membawa muatan barangan kawalan itu.

"Kereta pertama berjaya ditahan pada jam 8 malam di Kampung Melawi, Bachok dan kereta kedua ditahan 15 minit kemudian selepas mendapat bantuan peronda MPV Pauh Lima, Bachok.

"Kita berjaya menemui 25 tong minyak diesel pada kenderaan pertama dan 30 tong di kereta kedua dengan setiap tong seberat 25 hingga 30 liter dengan nilai RM3,117.50," katanya dalam kenyataan, semalam.

Beliau berkata, hasil soal siasat, kedua-dua suspek yang berasal dari Tumpat, mengaku menerima RM10 untuk satu tong sebagai bayaran upah untuk mengambil minyak diesel di tempat transit di sempadan negeri sebelum membawanya ke Tumpat dan dijual ke negara jiran.

Katanya, tindakan itu juga menunjukkan modus operandi baharu penyeludupan yang sebelum ini mengisi diesel secara terus di stesen minyak kurang 50 kilometer dari sempadan negara.

Stor digempur, rampas 17,195 liter minyak diesel

KOTA KINABALU – Kementerian Perdagangan Dalam Negeri dan Kos Sara Hidup (KPDN) negeri berjaya menumpaskan kegiatan penyelewengan barang kawalan diesel dalam satu operasi di sebuah stor tidak bernombor di kampung Klon-som, Inanam di sini kelmarin.

Dalam serbuan kira-kira pukul 5.20 petang itu, pasukan penguat kuasa telah menjumpai dan menyita 17,195 liter minyak diesel di dalam lori tanker, skid tank dan tong drum beserta alat-alat yang disyaki digunakan untuk menyeleweng dengan nilai sitaan keseluruhan berjumlah RM93,660.25

Pengarah KPDN Sabah, Georgie Abas berkata, seorang lelaki warga tempatan yang dipercayai pemilik stor di lokasi serbuan turut ditahan dan diambil keterangan bagi tujuan

membantu siasatan di bawah Akta Kawalan Bekalan 1961.

Katanya, risikan telah dijalankan selama tiga hari sebelum serbuan dijalankan.

"Pemilik stor dakwa diesel itu diperoleh dari pembekal yang sah, tetapi gagal menunjukkan bukti dokumen kebenaran simpan barangan kawalan itu," jelasnya dalam kenyataan semalam.

Kata Georgie, sebagai tindakan lanjut, kes ini akan disiasat di bawah Seksyen 20(1) Akta Kawalan Bekalan 1961 kerana menyimpan barang kawalan di tempat yang tidak mendapat kebenaran pengawal.

"Bagi syarikat pula, jika sabit kesalahan boleh membawa hukuman denda tidak melebihi RM2 juta, manakala bagi kesalahan berikutnya tidak melebihi RM5 juta," jelasnya.



SEORANG pegawai KPDN memeriksa tangki diesel yang digunakan untuk menyimpan barang kawalan itu di Inanam kelmarin.

*STORE OWNER ARRESTED

Over 17,000 litres of diesel fuel seized in Sabah

KOTA KINABALU: The Sabah Domestic Trade and Cost of Living Ministry seized 17,195l of diesel fuel at a store in Kampung Kionsom near here on Monday.

In the 5.20pm operation, ministry officers found the fuel kept in a tanker, skid tank and drum barrel. They also seized equipment worth RM93,660.

Sabah ministry director Georgie Abas said a local man, believed to be the owner of the store, was arrested to assist in investigation in accordance with the Supply Control Act 1961.

He said the owner of the store claimed that the controlled items were obtained from a legitimate industrial diesel supplier.

"However, he failed to submit any valid authorisation and licence documents to store the controlled items.

"An investigation will be carried out in accordance with Section 20(1) of the Supply Control Act 1961 for storing controlled goods in a place without permission," he said in a statement.

Georgie said the investigation would be carried out in accordance with Section 21 of the same act for possessing controlled goods with the intention of committing an offence, which is read together with Regulation



The skid tank where part of the diesel fuel was found concealed during an operation by the Sabah Domestic Trade and Cost of Living Ministry enforcement team in Kampung Kionsom, Kota Kinabalu yesterday. PIC COURTESY OF KPDN SABAH

3(1) of the Supply Control Regulations 1974 for conducting controlled goods transactions without a licence.

According to the Supply Control Act 1961, any individual convicted of an offence may be fined not more than RM1 million, while for subsequent offences the fine is not more than RM3 million or imprisonment of not more than three years or both.

"As for the company, if found

guilty, it can lead to a fine not exceeding RM2 million, while for subsequent offences the fine is not exceeding RM5 million.

"The ministry will also take strict action by temporarily suspending the licence of the gas station operator involved until the investigation is completed," he said.

Georgie urged those with information about such cases to channel complaints through the

WhatsApp application on 019-2794317 and 019-8488000.

"Information can also be channelled through the Complaints Portal: e-aduan.kpdnhep.gov.my as well as Call Centre 1-800-886-800.

"Complaints can also be sent to e-aduan@kpdnhep.gov.my; Ez ADU KPDNHEP or the public may come in person to the nearest ministry office to lodge a report," he said.

Dua lagi stesen minyak tanpa subsidi bakal beroperasi di sempadan



Salahuddin melancarkan projek rintis stesen minyak tanpa subsidi di Padang Besar, Perlis pada 15 Februari lalu.

PUTRAJAYA - Dua lagi stesen minyak tanpa subsidi bakal beroperasi di sempadan negara dalam tempoh enam bulan.

Menteri Perdagangan Dalam Negeri dan Kos Sara Hidup (KPDN), Datuk Seri Salahuddin Ayub berkata, ia dijangka melibatkan negeri yang berada di sempadan negara jiran iaitu Kelantan dan Johor.

"Stesen minyak tanpa subsidi ini adalah salah satu usaha kerajaan menangani ketirisan subsidi negara," katanya semasa sidang akhbar pada majlis perhimpunan bulanan kementerannya di sini, pada Selasa.

Menurut Salahuddin, setakat ini terdapat dua stesen minyak tanpa subsidi yang telah beroperasi di sem-

padan Malaysia-Thailand iaitu Wang Kelian dan Padang Besar, Perlis.

"Nampaknya sambutan semakin baik. Sewaktu saya di Padang Besar minggu lalu, harga RON95 tanpa subsidi ialah RM3.35 sementara harga di Thailand pula RM5.25," katanya.

Ujar Salahuddin, kementerian sedang mengadakan sesi libat urus dengan pihak-pihak berkaitan untuk memastikan stesen minyak tanpa subsidi itu menjadi pemiagaan penting kepada pemain industri.

"Kita boleh buat satu atau dua dahulu dalam tempoh enam bulan," katanya.

Ujar beliau, stesen minyak tanpa subsidi boleh dikembangkan di Johor kerana banyak perbezaan dengan har-

ga yang dijual di negara jiran.

"Sewaktu kunjungan hormat ke atas Premier Sarawak, Tan Sri Abang Johari Tun Openg, kita juga bincang untuk adakan stesen minyak tanpa subsidi di beberapa bandar dan lokasi di sempadan Indonesia," katanya.

Mengakui bahawa penguatkuasaan KPDN lemah berikutan tidak dapat menambah bilangan pegawai penguat kuasa baharu, Salahuddin berkata, inisiatif itu adalah penyelesaian yang praktikal.

"Kita tidak dapat untuk tambah pegawai baharu tetapi kita cuba dapatkan bantuan dalam bentuk lain.

"Sekiranya ia memerlukan kolaborasi lebih besar, maka perkara ini perlu dibincangkan di kabinet," katanya.

Dua lelaki sanggup jadi 'runner' seludup diesel

Oleh Nor Amalina Alias
am@hmetro.com.my

Bachok

Demi upah RM10 setong, dua lelaki sanggup mengambil risiko menjadi 'runner' atau penghantar diesel dipercayai untuk diseludup ke negara jiran.

Bagaimanapun, mereka berjaya ditahan bersama 1,450 liter diesel bernilai RM3,117.50 dengan nilai keseluruhan RM13,000 termasuk dua kereta.

Terdahulu, suspek berusia 33 dan 19 tahun itu dikesan pegawai penguat kuasa Kementerian Perdagangan Dalam Negeri dan Kos Sara Hidup (KPDN) di Kampung Baru Hujung, Repek, di sini, kelmarin.

Pengarahnya, Azman Ismail berkata, pihaknya mengekori kereta Proton Iswara Aeroback dan Proton Saga Aeroback yang dipandu serentak dalam keadaan mencurigakan.

"Kereta pertama ditahan jam 8 malam di Kampung Melawi, Bachok dan kereta kedua ditahan 15 minit kemudian selepas mendapat bantuan peronda MPV Pauh Lima, Bachok.

"Kita menemui 25 tong diesel dalam kenderaan pertama dan 30 tong dalam kereta kedua dengan setiap tong seberat 25 hingga 30 liter setong," katanya dalam



TONG mengandungi diesel yang dipercayai cuba diseludup ke negara jiran, pada dua kereta yang berjaya ditahan Kementerian Perdagangan Dalam Negeri dan Kos Sara Hidup (KPDN) Kelantan.

kenyataan, semalam.

Beliau berkata, hasil soal siasat, kedua-dua suspek yang berasal dari Tumpat, mengaku mengambil upah RM10 untuk setong sebagai bayaran upah untuk mengambil diesel di tempat transit di sempadan negeri sebelum membawanya ke

Tumpat dan dijual ke negara jiran.

Katanya, ini adalah modus operandi terbaru penyeludupan yang sebelum ini mengisi diesel secara terus di stesen minyak kurang 50 kilometer me-

ter daripada sempadan negara.

"Kali ini, mereka sanggup meredah perjalanan lebih 100 kilometer dengan membuka pusat transit untuk mengisi minyak di satu lokasi sebelum dibawa ke sempadan negara," katanya.

Beliau berkata, kes disiasat di bawah Akta Kawalan Bekalan 1961.

Suspek berusia 33 dan 19 tahun dikesan pegawai penguat kuasa KPDN



KEMENTERIAN PERDAGANGAN DALAM NEGERI
DAN KOS SARA HIDUP

MEDIA ONLINE (KPDN)

1 MAC 2023 (RABU)

BERITA ONLINE BERTARIKH 1 MAC 2023

TARIKH	TAJUK	PAUTAN	MEDIA
1-Mar	Microsite Francais Malaysia mampu lonjak sosio-ekonomi negara	https://www.kosmo.com.my/2023/02/28/microsite-francais-malaysia-mampu-lonjak-sosio-ekonomi-negara/	KOSMO
1-Mar	Perluas stesen minyak tanpa subsidi di sempadan	https://www.utusan.com.my/nasional/2023/02/perluas-stesen-minyak-tanpa-subsidi-di-sempadan/	UM
1-Mar	KPDN sasar dua stesen minyak tanpa subsidi dalam enam bulan	https://www.bernama.com/bm/am/news.php?id=2168562	BERNAMA
1-Mar	Dua lagi stesen minyak tanpa subsidi bakal beroperasi	https://www.google.com/amp/s/www.sinarharian.com.my/ampArticle/247414	SH
1-Mar	6 bulan perluas operasi stesen minyak tak bersubsidi - Salahuddin	https://www.google.com/amp/s/www.bharian.com.my/amp/berita/nasional/2023/02/1070297/6-bulan-perluas-operasi-stesen-minyak-tak-bersubsidi-salahuddin	BH
1-Mar	KPDN seizes 17,195 litres of diesel	https://www.google.com/amp/s/www.nst.com.my/amp/news/crime-courts/2023/02/884276/kpdn-seizes-17195-litres-diesel	NST
1-Mar	KPDN Sabah rampas 17,195 liter minyak diesel RM93,660	https://tvstv.my/2023/02/28/kpdn-sabah-rampas-17195-liter-minyak-diesel-rm93660/	TVSTV
1-Mar	KPDN tubuh jawatankuasa bertindak tangani isu industri muzik	https://www.google.com/amp/s/www.bharian.com.my/amp/hiburan/selebri/2023/02/1070506/kpdn-tubuh-jawatankuasa-bertindak-tangani-isu-industri-muzik	BH
1-Mar	KPDN tubuh Jawatankuasa Bertindak tangani isu royalti, hak cipta	https://malaysiagazette.com/2023/02/28/kpdn-tubuh-jawatankuasa-bertindak-tangani-isu-royalti-hak-cipta/	MALAYSIAGAZETTE

1-Mar	KPDN tubuh jawatankuasa selesai isu industri muzik rakaman	https://selangorkini.my/2023/02/kpdn-tubuh-jawatankuasa-selesai-isu-industri-muzik-rakaman/	SELANGORKINI
1-Mar	KPDN cadang tubuh jawatankuasa selesai isu industri muzik rakaman	https://www.google.com/amp/s/www.astroawani.com/berita-malaysia/kpdn-cadang-tubuh-jawatankuasa-selesai-isu-industri-muzik-rakaman-408635%3famp=1	ASTROAWANI
1-Mar	KPDN tubuh jawatankuasa selesai isu industri muzik rakaman	https://www.bernama.com/bm/am/news.php?id=2168730	BERNAMA
1-Mar	KPDN to form panel to help resolve recording industry issues	https://www.bernama.com/v2/en/general/news.php?id=2168768	BERNAMA
1-Mar	KPDN cadang tubuh jawatankuasa selesai isu industri muzik rakaman	https://www.themalaysianinsight.com/bahasa/s/430474	THEMALAYSIANINSIGHT
1-Mar	Salahuddin: Domestic Trade Ministry to form panel to help resolve recording industry issues	https://www.google.com/amp/s/www.malaymail.com/amp/news/malaysia/2023/02/28/salahuddin-domestic-trade-ministry-to-form-panel-to-help-resolve-recording-industry-issues/57311	MALAYMAIL
1-Mar	KPDN expects two more stations selling unsubsidised fuel within six months	https://www.thesundaily.my/home/kpdn-expects-two-more-stations-selling-unsubsidised-fuel-within-six-months-DO10691299	THESUNDAILY
1-Mar	Stesen minyak tanpa subsidi: KPDN sasar buka dua stesen dalam enam bulan	https://berita.rtm.gov.my/index.php/ekonomi/58294-stesen-minyak-tanpa-subsidi-kpdn-sasar-buka-dua-stesen-dalam-enam-bulan	BERITARTM
1-Mar	Stesen Minyak Tanpa Subsidi Bakal Diperluas Dalam Tempoh 6 Bulan – KPDN	https://rnggt.com/202328355/	RNGGT.COM

1-Mar	KPDN expects two more stations selling unsubsidised fuel within six months	https://www.bernama.com/en/news.php?id=2168589	BERNAMA
1-Mar	KPDN sasar 2 stesen minyak tanpa subsidi dalam 6 bulan	https://www.themalaysianinsight.com/bahasa/s/430385	THEMALAYSIANINSIGHT
1-Mar	Salahuddin: Domestic Trade Ministry expects two more stations selling unsubsidised fuel to foreign vehicles within six months	https://www.theborneopost.com/2023/02/28/salahuddin-domestic-trade-ministry-expects-two-more-stations-selling-unsubsidised-fuel-to-foreign-vehicles-within-six-months/	THEBORNEOPOST
1-Mar	Stesen minyak tanpa subsidi KPDN sasar buka dua stesen	https://vt.tiktok.com/ZS89ajMjG/	TIKTOK
1-Mar	Penguat kuasa KPDN tahan 2 lelaki cuba seludup diesel ke Thailand	https://www.google.com/amp/s/www.bharian.com.my/amp/berita/kes/2023/02/1070361/penguat-kuasa-kpdn-tahan-2-lelaki-cuba-seludup-diesel-ke-thailand	BH
1-Mar	Cubaan 2 lelaki seludup diesel ke Thailand gagal	https://www.buletintv3.my/jenayah/cubaan-2-lelaki-seludup-diesel-ke-thailand-gagal/	BULETINTV3